

Vuk'uzenzele

Niyethulelwa WuPhiko Lohlelo Lukahulumeni Lwezokuxhumana Nokudluliswa Kolwazi (i-GCIS)

English / isiZulu

Nhlolanja 2022 Ushicilelo 2

Ababhebhezeli benkohlakalo ye-COVID-19 babhekane nomthetho

Abantu kanye nezi-**A**nkampani ebezi-**A**bandakanyeka enkohlakalweni ehambisana nokuthengwa kwe-mpahla nezinsiza zeSifo segciwane le-Corona (i-COVID-19) kumele baphendule ngezenzo zabo.

Umbiko wokugcina woPhiko Olukhethekile Kwezokuphenywa Kwamacala (i-SIU) ophenyweni lwawo ngezinsolo ezihlobene nanoma ikuphi ukusetsenziswa budedengu kwezimali ze-COVID-19, kuzo zonke izinhlaka zikahulumeni nakumkhakha ozimele usanda kugunyazwa nguMongameli u-Cyril Ramaphosa ukuthi ukhishelwe umphakathi.

Umbiko uyisinyathelo esibaluleke kakhulu ekulweni nenkohlakalo nokuphatha budedengu kwimikhakha kahulumeni nozimele, ubeke

kanjalo uMongameli.

NgoNtulikazi ngowezi-2020, uMongameli u-Ramaphosa wagunyaza uphenyo lwe-SIU.

Ngaleso sikhathi, waqinisekisa ukuthi uma i-SIU ithola ubufakazi bokuthi ubugebengu benzekile, izobophezeleka ukuthi idlulisele ubufakazi kuPhiko Lwezokushushisa Kuzwelonke (i-NPA).

I-SIU yaphinde yagunyazwa ukuvula kokuthethwa kwamacala ukuze kuzobuyiswa konke okulahlekele umbuso.

Okutholakale kumbiko I-SIU yaphenya izinkontileka eziyizi-5 467 ezazihlonyuliswe abahlinzeki-nsiza abayizi-3 066, ezazilinani eliyizigidigidi eziyi-R14.3.

Uphenyo lwezinkontileka eziyizi-4 549 seluphohuliwe, eziyizi-2 803 zazo zatholakala ukuthi azihanjiswa ng



ngendlela. Lokhu kwenza ama-62% ophenyo oseluphohuliwe.

“Lolu phenyo beluqondiswe ngqo kubantu nezikhungo ebezizitshela ukuthi zingaxhaphaza umzuzu wobuthakathaka besizwe ukuzicebisa bona nalabo abahlangene nabo ukuxhaphaza izinsiza zomphakathi,” kusho uMongameli.

Wengeze ngokuthi akwamukelekile ukuthi izi-

nkontileka eziningi kangaka okufanele zisindise izimpilo futhi zivikele indlela yokuziphilisa yabantu zaphathwa ngendlela engeyiyo, ngokungalandeli umthetho noma ngokukhwebanisa.

“Lolu phenyo lubonisa ukuzimisela ukusiphula isihlava senkohlakalo kanye nokubhekana nababhebhezeli bayo,” kusho uMongameli u-Ramaphosa.

Umbiko wokugcina ucacisa ngezindaba i-SIU ezidluli-

sele ku-NPA, iminyango nezinkampani kumkhakha kahulumeni namanye amaqembu.

I-NPA izophothula inqubo yokuthi izigilamkhuba zibhekane nomthetho kanye nokubhekana nobuntekenteke obutholwe uphenyo lwe-SIU, kuchaza uMongameli.

Iqhubeka ekhasini lesi-2



Izimpawu eziqaphelisa ngobuqhawaga

Ikhasi lesi-6



HLALAY UPHEPHILE

GOMA UKUZE USINDISE ININGIZIMU AFRIKA

NGOKUBAMBISANA SINGALINGOSA ICIKWANE LE-CORONA



Okumele ukwazi nge-PreP

Ikhasi lesi-7



Ukuze ufunde iVuk'uzenzele thola i-GOVAPP ku:



Bheka u-SA Government ku-Google playstore noma ku-appstore

UNGASITHINTA LAPHA



Vuk'uzenzele



@VukuzenzeleNews

Iwebhusayithi: www.gcis.gov.za

I-imeyili: vukuzenzele@gcis.gov.za

za www.vukuzenzele.gov.za

Ucingo: (+27) 12 473 0103

Tshedimosetso House:

1035 cnr Frances Baard and Festival streets, Hatfield, Pretoria, 0083

ELAMAHHALA ALITHENGISWA

Isuka ekhasini loku-1

Isinyathelo esithathiwe

Selokhu kwaqala uphenyo, i-SIU, isebenzisana namanye ama-ejensi, isiyenze le nqubekela-phambili elandelayo:

- Amacala angama-45, enani elihlanganisiwe lezigidigidi ezi-R2.1, adluliselwe kwiNkantolo Ekhethekile Yamacala Enkohlalo, Ukukhwabanisa kanye Nokusetshenziswa kwemali ngokungekho emthethweni i-Special Tribunal on Corruption, Fraud and Illicit Money Flows. Inkantolo ekhethekile inegunya elisemthethweni

ukubuyisa izimali zikahulumeni ezebiwe kwenziwa inkohlakalo, ukukhwabanisa kanye nokusetshenziswa kwemali ngokungekho emthethweni, futhi ithathele ababhebhezi balokho izinyathelo zomthetho;

- Amacala angama-224 adluliselwe ukuthi iziphathimandla zeminyango noma zezinkampani zikahulumeni zithathelwe izinyathelo zokuqondiswa izigwegwe;
- Amacala angama-386 adluliselwe kwi-NPA, futhi amathathu adluliselwe ukuthi uMongameli atha-

the isinyathelo ngawo; • Amacala angama-330 adluliselwe ukuthi kuthathwe izinyathelo zomthetho, okubandakanya ukuvinjelwa ukusebenza (ungabe usakwazi ukwenza umsebenzi nohulumeni).

Ngokombiko, isamba sezigidigidi ezingama-R551.5 (inani lemali kanye nempahla) kumele sibuyiswe, kanti izigidigidi ezingama-R34.2 sezibuyisiwe kuze kube manje.

Uphenyo luvimbe ukulahlekelwa izigidigidi ezingama-R114.2, futhi lwabekela eceleni izinkontileka zenani lezigidigidi ezingama-

R170.4.

I-SIU ilindele ukuthi lamacala aphothulwe phakathi kukaNdasa noMbasawezi-2022, ngaphambi kokuhanjiswa kombiko owengeziwe kuMongameli ekupheleni kukaNhlanguvana.

Umbiko awufaki phakathi imininingwane yophenyo olusaqhubeka lwezinsolo ezitholwe i-SIU emva komnqamulajuqu owawubekelwe umbiko wokugcina.

Lokhu kubandakanya uphenyo lwabahlizekinsiza abangama-476, abeyaniswa nezinkontileka ezingama-964, zenani elingaphezu kwezigidigidi

ezingama-R961.6.

Imiphumela yalolu phenyo, ihhovisi likaMongameli lithe, izofakwa kumbiko wangoNhlanguvana.

UMongameli wethulele isigqoko i-SIU ngomsebenzi ewenze ezinyangeni eziyi-18 ezedlule, kanye nezingede nabanye ofakazi abalethe imininingwane kubaphenyi. 1

Umphakathi unga-siza ekulweni nokuqeda inkohlakalo ezikhungweni zikahulumeni ngokubika izenzo zenkohlakalo kwinqombolo ye-SIU yezimo eziphuthumayo ku: **080 003 7774.**

I-CACH ixhumanisa abafundi namathuba okufunda

Silusapho Nyanda

I ntsha engakazitholi izikhala zokufunda ezikhungweni zemfundo ephakeme ingaxhumana noHlelo Lwesizinda Sokuhlungwa Kwezicelo zokufunda (i-CACH) ukuze ithole usizo.

I-CACH iyinsiza yezobuchwepheshe kahulumeni ephethwe nguMnyango Wezemfundo Ephakeme kanye Nokuqeqeshwa (i-DHET). Lolu hlelo lusiza labo bafundi abafuna intuba yokuthola izikhala zokungena enyuvesi, emakolishi Ezemfundo kanye Nokuqeqeshwa Kwezobuchwepheshe Bemisebenzi Yezandla (ama-TVET) kanye namathuba okuthuthukiswa kwamakhono.

“Izinsiza ze-CACH bezilokhu zivuliwe kusuka mhla zingama-24 kuMasingana 2022, futhi zizovalwa mhla zingama-31 kuNdasa ukuze

zisize labo bafundi abafuna ukungena ezikhungweni zemfundo ephakeme kodwa babhekene nezinkinga zokuthola izikhala zokufunda,” kusho uNgqongqoshe Wezemfundo Ephakeme kanye Nokuqeqeshwa u-Dkt Blade Nzimande.

I-CACH ingabasiza nalabo bafundi abafake izingicelo zokufunda enyuvesi noma ekolishi kusenesikhathi ngonyaka wezi-2021 kodwa abangazange basithole isikhala sokufunda kuhlelo lokufunda abebefisa ukulufundela.

I-DHET ichaze yathi lokhu kujwayele ukwenzeka lapho umfaki-sicelo engahlangabezani nezidingo ezidingekayo noma isikhungo sesifinyelele kumkhawulo waso wenani labafundi esingababhalisa kulolo hlelo lokufunda.

I-CACH ingaphinde futhi isize nalabo ababefake izingicelo esikhungweni semfundo ephakeme base bemukelwa, kodwa manje sebefuna ukushintsha umkhakha

wokufunda ababewukhethe.

I-CACH izodlulisela labafundi ezinhlelweni zokuthuthukiswa kwemisebenzi futhi uma kwenzeka, inikezele ngethuba lokuthi bazanyelwe izikhala ezisatholakala emanyuvesi kanye nasemakolishi ama-TVET noma amathuba okufundela umsebenzi Kwezemfundo Nokuqeqesha Ngokwemikhakha (i-SETA), ngaphandle kokuthi baziyele bona kunoma yisiphi isikhungo.

Wonke amanyuvesi kahulumeni, amakolishi angama-TVET kanye nama-SETA angafinyelela kusizindalwazi se-CACH ukuze abheke abafundi ngabanye abafaneleke yizikhala ezisatholakala ngokuhambisana nalokho okudingekayo kulowo mkhakha wokufunda.

“Izikhungo zikhetha abafundi kwisizindalwazi se-CACH bese zixhumana ngqo nalabo ezibakhethele,”



kusho okhulumela i-DHET u-Ishmael Mnisi.

Abafaki-zicelo ababhalisa ku-CACH kumele bathumele imininingwane yabo, okubandakanya uhlobo lwezifundo abafisa ukuzifundela. Abafaki-zicelo banethuba lokuthi bazi-khethele bona ngokwabo ukuthi bayasamukela noma bayasichitha isikhala sokufunda abasihlinzekwe yi-CACH.

Izikhungo zemfundo ephakeme zizokwazi kuphela ukuthola ulwazi lwabafaki-zicelo kuhlelo lwe-CACH, uma abafaki-zicelo sebebhalisile futhi bafaka imiphumela yabo yeBanga le-12.

UMnisi uthi i-CACH iphinde

isize labo abazoba abafundi abasadekile ngokukhetha umkhakha wokufunda ngokubathumela Kwinsiza ye-DHET Ethuthukisa Amakhono i-Khetha Career Development Service. 1

Bhalisela i-CACH nge-WhatsApp Chatbot (078 776 8660), ngokucifoza inombolo ye-USSD ethi *134*225# noma ngokungena ngezobuchwepheshe be-inthanethi ku-cach.ac.za. Ngolwazi oluthe xaxa nge-CACH, vakashela kwikhasi le-Facebook ku-CACH_SA.



government communications

Department: Government Communication and Information System
REPUBLIC OF SOUTH AFRICA

Tel: 012 473 0353

Email: vukuzenzele@gcis.gov.za

Address: Private Bag X745, Pretoria, 0001

Acting Head of Editorial and Production
Tyrone Seale | tyrone@gcis.gov.za

Acting Editor-in-Chief
Zanele Mngadi | zanelemngadi@gcis.gov.za

Managing Editor
Irene Naidoo | irene@gcis.gov.za

Writers

More Matshediso
Silusapho Nyanda

Senior Designers

Tendai Gonese | Benny Kubjana

Production Assistance

Jauhara Khan | Sebastian Palmer

Language Practitioners

Nomgcibele Motha | Boitumelo Phalatse
Thandolunye Magudulela | Sizwe Ziqubu

Vuk'uzenzele
is published by Government Communications (GCIS)

Printed by: RISING SUN PRINTERS

All rights reserved. Reproduction of the newspaper in whole or in part without written permission is strictly prohibited.

Distributed by: ON THE DOT



Imithetho emisha iqinisa ukulwisana ne-GBV

Masekupheleni konyaka owedlule, ngathola incwadi eyayibhalwe yiyeqebana lezakhamuzi ezazikhathazekile zinxusa uhulumeni ukuthi avikele abesifazane kanye nezingane zakuleli lizwe kudlame.

Baphawula ngokwenyuka kokudlwengulwa kanye namacala ezocansi, babhala ngokuthi abesifazane basaqhubeka nokuhlalela ovalweni; futhi sebelahla ithemba kumthetho.

Ngathinteka kakhulu futhi ngaphinde ngathintwa wukulandisa kwabo ngokwesaba abanakho abesifazane bezwe lakithi ababhekana nakho imihla namalanga.

Ukubhekana nokuhlupheka abesifazane kanye nezingane ababhekene nakho siphasise imithetho eklanyelwe ukubavikela. Kodwa naphezu kwezijeziso zokususa ababhebezeli balezi zenzo ezimbi emphakathini, abesifazane kanye nezingane bayaqhubeka nokuhlushwa futhi bayabulawa.

Ngisanda kusayina ukuphasisa iziqephu ezintathu zomthetho ukugcina izithembiso zethu zokuqinisa uhlelo lwezobulungiswa kwezobugebengu, ukuthuthukisa ukuziphendulela kuhulumeni futhi nokwesekwa kwabasindile ukuthi kube kummongo wayo yonke imizamo yethu.

UMthetho Ochitshiyelwe omusha woBugebengu kanye Namacala Ahlobene Nawo uvikela ababuthakathaka ekuhlukunyezweni

kwesibili ngokuvumela izinkantolo ukuthi ziqoke abalamuli abazoba khona lapho ingane encane, umuntu ophila nokukhubazeka noma umuntu osekhulile ephoswa imibuzo ekuqulweni kwecala.

Uphinde uvumele ukusetshenziswa okwengeziwe kobufakazi kusetshenziswa ubuchwepheshe bokukhuluma ngevidiyo. Lokhu kusiza ukuvikela ufakazi ekulimaleni, kunqanda ukubambezeleka okungenasidingo futhi konga izindleko zokuqulwa kwecala.

Umthetho omusha nawo uqinisa kakhulu uhlelo lwethu lokukhululwa ngebheyili.

Umshushisi ongaphikisani nebheyili emacaleni aqokwe kumele izizathu zakhe ezihambisana nalokho zibhalwe phansi.

Inkantolo kumele izicabange noma yiziphi izinsongo zodlame ezingaba khona ezenziwa ummangali kanye nombono wommangali ngokuphepha kwakhe. Ngaphandle uma inkantolo yenelisekile ukuthi kunezimo ezingavamile ezinikeza imvume yokukhululwa ngebheyili, ibheyili kumele inqatshwe.

UMthetho Ochitshiyelwe omusha Wobugebengu (Amacala Ezocansi kanye Namacala Ahlobene nawo) uyakwenqabela ukuxhashazwa ngokocansi futhi nokuheha ngenhloso yocansi abantu abaphila nokukhubazeka ngokwengqondo, futhi uhlinzeka ngokuthi

amacala ocansi abhekiswe kubantu abaphila nokukhubazeka ngokwengqondo kumele aqoshwe kuRejista Kazwelonke Yabahlukumezi Bocansi (i-NRSO).

Siziphendulile izikhalo zokuthi siqinise ukulawulwa kwe-NRSO.

Labo abake balahlwa ngamacala ocansi ezinganeni noma kubantu abakhubazeka ngokwengqondo, abake bagwetshwa ngaphambilini mayelana nalokhu, futhi abagwetshwe izikhathi ezingaphezu kwezinyanga eziyi-18 bangakwazi kuphela ukufaka isicelo sokuthi amagama abo akhishwe ku-rejista ngemuva kweminyaka engama-20.

Lo Mthetho uphinde ulawule umsebenzi wokubika kwabantu abaziyo ukuthi amacala ocansi enziwe kubantu ababuthakathaka.

UMthetho omusha Ochitshiyelwe Wodlame Lwasekhaya ubhekelela ezinye zezinselele ebudlelaneni basekhaya obunodlame.

Siqinise inqubo yokuthola imiyalelo yokuvikela, futhi sandisa izimo okungafakelwa kuzo isicelo.

Silukhulumile udaba lokuhlukunyezwa kwabesifazane kanye nezingane naphezu kokuba, besafake isicelo somyalelo wokuvikelwa.

Uma inkantolo ikholelwa ukuthi ummangali usengozini engenzeka noma inini ingakhipha incwadi yokuvikela ngokushesha ngaphandle kokuthi inikeze ummangalelwa isaziso ngokukhishwa komyalelo.

Okubalulekile, uma inkantolo idedela umuntu obekwe icala lodlame lwasekhaya ngebheyili ongenayo incwadi yokuvikelwa anikezwe yona, inkantolo kumele ikhiphe eyodwa ngemuva kokwenza uphenyo.

Lapho inkantolo ikhipha incwadi yokuvikelwa kumele ngaso lesi sikhathi igunyaze ukukhishwa kwencwadi egunyaza ukuboshwa, elengisiwe, okumele inikwe uMbutho Wamaphoyisa aseNingizimu Afrika (i-SAPS).

Uma ilungu le-SAPS lisola ukuthi ummangali usengozini ngenxa yokwephula umyalelo, kumele libophe ummangalelwa ngokuphazima kweso.

Umthetho manje usuvikela ngokusobala abantu abadala kuzo zonke izinhlobo zodlame lwasekhaya, futhi uvumela abamangali ukuthi bafake izicelo zokuvikelwa ngobuchwepheshe be-inthanethi, ubongele isikhathi kanye nezindleko zokuhamba.

Ukuvikela abamangali ekuhlukunyezweni okuqhubekayo, inkantolo ingakhipha Isaziso Sokuqapha Ukuphepha i-Safety Monitoring Notice esizodinga ukuthi ilungu le-SAPS lithintane nommangali ngaphandle kolwazi lomnukubezi.

Izisulu ezisinde ku-GBV zijwayele ukukhala ngokuphathwa kabi noma ukushaywa indiva kwezinkinga zabo lapho befaka izikhalazo eziteshini zamaphoyisa. Amalungu e-SAPS ehluleka ukuthobela izibopho



zawo ngaphansi komthetho omusha ayobekwa icala lokungaziphathi kahle.

Bonke abantu abadala abanolwazi noma abasola ukuthi kukhona udlame lwasekhaya olwenziwa enganeni, umuntu okhubazeke ngokwengqondo noma umuntu osemdala banesibopho sokubika izenzo ezifana nalezo kusonhlalakahle noma emaphoyiseni. Ukwehluleka ukwenza lokho kuyicala elibomvu.

Lokhu kubeka emthethweni umgomo wokuthi udlame olubhekiswe kwabesifazane kanye nezingane kuwumsebenzi wawo wonke umuntu.

Ukuphasiswa kwale mithetho emisha kuyisinyathelo esiya phambili kule ndlela. Kodwa akusisona isixazululo. Kumele silunqande udlame kanye nokuhlukumeza kungenzeki kwasekuqaleni.

Ngokusebenza ngokubambisana njengomphakathi, kumele sisebenzise izwi lethu, ama-jejensi ethu ezomthetho kanye nesibindi sethu esisele naso ukuqeda unomphela udlame olwenziwa amadoda kwabesifazane kanye nezingane. **V**